

DEN AMBIENTE

Pa:
Poets

E.Q.O. MUY PRONTO LO LANSA NAN PROME CD.....

** Diahuebs anochi pa marduga, DEN AMBIENTE a experencia tambe den Aruba Recording Studio, e grabacion di e tema di carnaval di E.Q.O. titula "Round up and Row".


E grabacion a ser dirigi pa maestro Chucho Hoek, kende ta e compositor y arreglista di e tema aki. Como sound engineer a funciona e musico gradua recientemente na Berklee College of Music, Johnny Croes.

Tambe tabata den studio e propietario Johnny "Poentje" Castro y Leo Lacle di Aruba Video Center, kende DEN AMBIENTE por a compronde lo bay "all the way" cu E.Q.O.

E tema aki cual ya caba por ser scucha riba nos radio-emisoranan, a haya un aco-hida instantaneamente. Esaki a ser confirma tambe pa "Poentje", kende a declara cu for di momento cu e tema aki a cuminsa rezona, contractnan tambe a cuminsa

drenta, cualnan a yuda inmensamente pa sera e programa pa loke ta trata e temporada di carnaval.

Mientrastanto nan a shoot nan tema di carnaval "Round Up and Row".....



** E talentoso musico recientemente gradua na Berklee College of Music, Johnny Croes ta bek na Aruba. Aki por aprecia Johnny Croes (mei mei) hunto cu integrantenan di E.Q.O. den Aruba Recording Studio trahando riba e tema di carnaval di E.Q.O....

Esaki ta nifica cu ya caba E.Q.O. ta practicamente full ocupa pa e temporada di carnaval. Nan lo acompaña e grupo di Alex Mansur durante e paradanan di "Lighting Parade" y "Balloon optocht". Pa e para-

da grandi tin varios ofertanan riba mesa, cual ainda mester tuma desicion pa cual grupo lo toca. NA CAMINDA PA E PROME C.D.

Tambe "Poentje" a declara na DEN AMBIENTE cu ya caba otro siman nan lo

drenta Aruba Recording Studio, pa cuminsa traha riba nan prome disco compacto. E C.D. aki lo ta concentra cu temanan pa despues di e temporada di carnaval.

E titulo di e C.D. lo bay ta "Ban Gozzzaaaa", cual lo

** Maestro Chucho Hoek dunando su instruccinnan na e tres cantantenan, Alex Richardson, Ramphis Tromp y Carlos "Bebito" Mejia den Aruba Recording Studio....

aparece diez cancion varia entre; Salsa, Ritmo Combina, Merenque, Calypso y Salsa Antiyano.

Ta bon pa menciona cu e cancionnan aki lo ser interpreta pa tur e tres cantantenan, Ramphis Tromp, Alex Richardson y Carlos "Bebito" Mejia.

Riba e pregunta di DEN AMBIENTE ta con bin no ta aparece ningun balada riba e disco compacto, ya ta conoci cu esaki ta e especialidad di nan cantante principal Ramphis Tromp. "Poentje" a declara cu despues di e proyecto di e C.D. di E.Q.O., Ramphis Tromp lo lansa su propio disco compacto di balada como solista.

Na ultimo durante e entrevista exclusivo aki cu "Poentje", por a compronde cu e aña aki E.Q.O lo ta ta hopi fuerte, ya cu tin personanan potencial nan tras pa asina logra haci E.Q.O e agrupacion musical mas popular di Aruba.

Pues E.Q.O. ta full equipa pa pone henter Aruba "GOZZAAA BAY GOOOOAAALLL"...